

Արցախի պետական համալսարանն ընդամենը հինգ տարվա պատմություն ունի: Այն հիմնադրվել է արցախյան գոյամարտի ամենաթեժ օրերին: Դա մի ձեռնարկում էր, որը պատերազմի այդ դաժան օրերին ոգևորեց մեր ժողովրդին և առաջին հերթին ռազմադաշտում մարտնչող մեր երիտասարդությանը: Արցախում համալսարան ունենալու անհրաժեշտությունը բացատրվում էր թե՛ պատմականորեն, և թե՛ ներկա իրողությամբ, երբ արցախցին զրկված է Հայաստանի և նախկին խորհրդային պետության տարբեր քաղաքներում բարձրագույն կրթություն ստանալու հնարավորությունից, որը բացատրվում է առաջին հերթին սոցիալական պայմաններով: Արցախի պետական համալսարանը Լեռնային Ղարաբաղի Հանրապետության պետականության համար լույս անհրաժեշտ մի կառույց չէ: Այն պետք է դառնա մեր ժողովրդի, Հայաստանի արևելից կողմի գիտակրթական, մշակութային և հոգևոր կենտրոնը: Այս ճշմարտության գիտակցումն է, որ թույլ է տալիս մեզ վարելու համալսարանի զարգացման և կայացման նպատակասլաց քաղաքականություն:

Անշուշտ, Արցախի պետական համալսարանի «Գիտական տեղեկագրի» հիմնադրումը անշաղկապելու է մեր համալսարանի կայացման ճանապարհին: Գաղտնիք չէ, որ առանց լուրջ գիտական ներուժի չի կարող լինել լիարժեք համալսարան, քանզի յուրաքանչյուր համալսարան գիտակրթական և մշակութային օջախ է:

Արդ՝ «Գիտական տեղեկագրի» հիմնադրմամբ Արցախի մայր բուհն, անշուշտ, դառնում է նաև գիտական մտքի օջախ: Եթե նախկինում համալսարանի դասախոսներն իրենց գիտական ուսումնասիրություններն ու հոդվածները տպագրված տեսնելու հաճույքը կարող էին վայելել բազում ամիսներ և տարիներ անց, ապա այս իրողությունից հետո նրանք հնարավորություն կունենան իրենց մտավոր ներուժի պտուղները տեսնել հարագատ «Գիտական տեղեկագրի» էջերում:

Արդ՝ «Գիտական տեղեկագրի» ծնունդը, անկասկած, մեծ իրողություն է նաև երիտասարդ գիտնականների և առաջին հերթին համալսարանի ասպիրանտների համար: Նրանք դրանով իսկ հնարավորություն են ստանում իրենց գիտական հետազոտությունների արդյունքները ժամանակին հաղորդելու, ինչպես նաև հաղորդակից լինելու գիտական աշխարհին:

«Գիտական տեղեկագրում» տեղ կհատկացվեն նաև Հայաստանի և արտերկրի ճանաչված գիտնականների գիտական աշխատանքներին, ինչը, անշուշտ, կխթանի գիտական մտքի աշխուժացմանը և կնպաստի գիտական մթնոլորտի ստեղծմանը մեր համալսարանում:

Համոզված ենք, որ Լեռնային Ղարաբաղի Հանրապետության ծաղկման ու բարգավաճման գործին անմնացորդ լծվելու ճանապարհին իր պատմական առաքելությունը պատվով կկատարի մեր «Տեղեկագիրը», իր լուսման կրեթի հայրենի լեռնաշխարհի նյութական և հոգևոր ձեռքբերումներում: Դա մեր նորածին Հանրապետության լինելությունն էրաժանակալան է:

Բարի գալուստ ու անշեղ երբ «Արցախի պետական համալսարանի գիտական տեղեկագրին»:

**ՊԱՎԵԼ ԳԵՎՈՐԳՅԱՆ**

*Արցախի պետական համալսարանի ռեկտոր*

**Дорогие друзья!**

С большим удовлетворением и нескрываемой радостью приветствую рождение журнала “Ученые записки Арцахского государственного университета”.

Издание журнала является еще одним важным шагом, приближающим к окончательному становлению Арцахского государственного университета как центра образования, науки и культуры вашего героического края.

Само стремление карабахцев в столь неспокойное время развивать образование и науку свидетельствует о непоколебимой воле арцахца, его высоком моральном духе и четкой ориентации на высшие общечеловеческие ценности. Именно это позволило в суровую годину героическими усилиями отвести смертельную угрозу, защитить священную землю Арцаха. Традиционно присущий арцахцу высокий образовательный уровень и устремленность к знаниям сделали его умелым воином, теперь это должно помочь экономическому и социальному развитию края.

Еще раз хочу подчеркнуть ту важную стабилизирующую роль которую призван сыграть Арцахский государственный университет в Карабахе. Уверень, что “Ученые записки” займет достойное место в научном мире, отражая научные достижения НКР.

Рад, что руководство университета четко осознает и последовательно решает стоящие перед ним задачи.

Пользуясь случаем, еще раз хочу искренне выразить свою гордость по поводу того, что являюсь почетным доктором Арцахского государственного университета. Буду и впредь вносить посильный вклад в дело развития науки образования и экономики Арцаха. Я чувствую высокое уважение к свободолюбивому народу Арцаха, его оптимизму и устремленности в будущее. Весомым подтверждением этому является начало издания журнала “Ученые записки АрГУ”.

Поздравляю коллектив АрГУ с новым начинанием и желаю плодотворной научной работы.

**Искренне Ваш**

**академик А. Аганбекян**  
**ректор Академии народного хозяйства**  
**при правительстве Российской Федерации**

Տասնամյակներ առաջ Արցախի երիտասարդության երազանքն էր հայրենիքում ունենալ բազմաճյուղ բարձրագույն կրթական հաստատություն, որը կընձեռեր նրանց կրթություն ստանալ տեղում և չբռնել հեռավոր ճամփաներ: Այդ պատճառով շատ-շատ երիտասարդներ չէին վերադառնում Արցախ: Ազատագրական պատերազմի թեժ օրերին հիմնադրվեց Արցախի համալսարանը, որն այսօր իրականություն է, որտեղ ուսում է ստանում Արցախի երիտասարդությունը:

Համալսարանը պետք է կայանա, որի համար անհրաժեշտ է ժամանակ և գործընթացներ: Նրա կայացման կարևոր գործընթացներից է գիտահետազոտական գործունեությունը:

Համալսարանի կրթական մակարդակը անմիջականորեն կապված է գիտական գործունեության հետ: Նրա դեմքը որոշվում է նրա անձնակազմի կողմից ստացված գիտական արդյունքներով:

Համալսարանի «Գիտական տեղեկագիր» պարբերականի ստեղծումը կարևոր իրադարձություն է նրա կյանքում: Չեմ կասկածում, որ այն կխթանի գիտական աշխատանքների ծավալմանը համալսարանում քննադիտական և հումանիտար ուղղություններով:

Արցախի համալսարանի ողջ անձնակազմին և դեկավարությանը շնորհավորում եմ այս կարևոր իրադարձության կապակցությամբ և հավաստում համագործակցություն Հայաստանի մայր բուհի և Արցախի համալսարանի միջև գիտության ասպարեզում ևս:

***Լավագույն մաղթանքներով Ռ. Մարտիրոսյան  
ԵՊՀ ռեկտոր, ակադեմիկոս***

